


樂善堂全集

孫承保  
藏書  
煙家  
記

和16  
231  
10



和  
門八  
號231  
卷10

樂善堂全集定本卷之二十三

今體詩

御賜書經傳說彙纂恭紀二十二韻

帝治布寰瀛天心佑永清奉三宏建極得一  
允居貞禮樂觀明備詩書悅性情石渠掄碩  
彥天祿聚羣英謂是典謨語由來齊治程先  
朝曾纂輯今日重脩明諸子收精粹羣言費  
品評孔門傳伏氏漢代著康成自合抽絲細  
非如聚訟爭紫陽經校定仲默幾研精多士



承  
明命儒臣殫烟誠午窓几上列乙夜案頭橫  
幾歲青藜照逾時全璧呈奎文光有蔚  
聖語與難名非僅筌蹄得將俾天地平惠民  
符保赤卜相法調羹佑起明良盛栽培宅俊  
宏千秋傳治典萬國仰躬行喜荷縹緲  
賜恩叨雨露榮臚陳明國是往復繹歌賡識  
淺難窺秘心虔等捧盈從知文治化海宇慶  
同聲

暮春喜雨

正是三農望雨時甘霖應候為頻施綠添香  
稻抽初穎紅綻名花壓故枝澤被園林新似  
染膏流村落滑如脂黃雲會見田疇盛大  
有人歌擊壤詩

恭和

御製三月三日得雨原韻

知時甘雨動春芳潤物流膏澤孔皆綠野空  
濛生意滿平疇霖霖兆情諧豐亨景象占多

樂善堂全集卷之二十三  
慶晚晚風光喜更佳自是  
天心馨至治嘉祥允慰  
一人懷

題十八學士圖

風虎雲龍自景從畫圖冠佩盛雍容  
緱山無客招王子盡向瀛洲傲赤松

賦得春風傳我意

轉蕙催蕙瑞靄紛十分春色占三分  
泠泠入律渾難識習習過條靜不聞  
岸柳待梳青碧

縷池波欲縹綺羅紋吹噓到處皆  
生意傳我憲前大塊文

白鹿洞

李渤結廬後絳帷開紫陽經綸歸  
性命道德煥文章剖析危微旨從容  
禮法場祇今傳鹿洞几席有餘香

花影

花散清陰傍砌移半疎半密影遲遲  
鵲飛空自周三匝鷓羽應難借一枝  
輕護錦苔方掩

映低臨文石更參差香紅競逞尋常事那比  
風前月下姿

柳塘送春

惜春無計可稽遲花信更番欲盡時惟有柳  
枝低拂處烟絲依舊戀清池  
綠柳煙濃度鳥聲流光荏苒最關情年年春  
事成功後消得長條幾送迎

夏雲

出岫還成岫從龍更似龍何當化霖雨沛澤

潤三農

賦得秋水長天一色

天涵靜碧水涵虛本色今朝見太初決昔空  
明無下鵠印心澄徹有遊魚已包物象三千  
界不數玻璃萬頃餘試想滄浪垂釣客一竿  
相對意如如

水中樓影

清池潑灩映長空巖影樓臺入水紅軒爽龍  
盤金鏡裏觚稜鳳翥玉壺中仙翁宅近人難

樂善堂全集卷之二十三  
到帝子居遙路未通眼底景光天外想畫圖  
一幅水晶宮

新秋夜雨

西風驅溽暑細雨送微寒洗竹枝逾綠經楓  
葉未丹乍披襟颯爽不覺夜闌干秋色今多  
少來朝仔細看

九日

乾清宮侍宴恭紀  
繡錯仙枝煥彩霞重陽侍宴佩萸華賤分

御筆親標韻席撤

皇恩別賜瓜一德賡歌仁壽世太和景象  
聖人家獻詩爵躍追天保宴畢歸來日未斜

寒夜聞霜鐘

夢醒不成眠鐘鳴欲曙天一聲清夜氣到處  
警官聯繞闕華紳肅趨朝玉珮傳披衣更危  
坐無逸誦終篇

題仙子圖

紫芝瑤草滿丹山特向高峯取次攀披荔不

須霞作帔帶蘿何用玉為鬟綠華去後留條  
脫洛浦逢時解佩環行地暫辭鸞鶴駕五銖  
衣袖接仙班

遊玉泉山見秋成誌喜

天末風吹溽暑清家家鋤艾慶西成宜人爽  
氣山前景載我扁舟盡裏行田父村頭閒共  
語牧童牛背笑相迎年來屢見三秋稔擬報  
農祥慰

聖情

恭祝

皇父萬壽

太平天子應昌期五十欣逢獻壽時華渚波  
澄虹爛漫瑤光霄燭月琉璃野農芹曝精誠  
會仙仗衣冠拜舞隨正是太和充宇宙春暉  
照耀萬年枝

雍正己酉仲冬闕里

文廟上梁前二日慶雲見

上躬詣太學致祭恭紀二十四韻

化洽文明世風登熙皞時車書九有共禮樂  
萬方綏至治乾坤應仁恩草木知崇儒欽往  
聖重道禮

先師特舉

臨雍典頻行釋奠儀宮墻新棟宇殿廡整梁

戩

文廟以雍正甲辰年重修

軒爽盤青鳳觚稜卧赤螭栊

成輝玉碣末立煥松栢上瑞方呈日卿雲恰  
應期非烟籠紫閣似霧匝丹墀挾漾流光遍  
懸華曳曜奇鬱蒼承日麗紉縵布天垂文運

重離炳嘉祥衆目窺守臣封表進大吏露章

隨喜氣三宮滿歡聲九陌馳龍墀渙大號

鳳詔凜如絲

聖德誠光被

宸衷益慎持命期勤

翠輦卜日展

鸞旗

詣學行殊典弘文答景禧因加登選額

思昔明年

會試加至四百名壬子科鄉試十名加一名

用勵作新思藝苑薰



風普膠庠膏雨滋唐虞風更洽洙泗道逾彌  
玉燭綿

皇祚金甌鞏

帝基萬年綏福履端拱樂無為

留侯

博浪金椎中屬車圮橋遁跡得竒書坐謀帷  
幄追秦鹿立定中原覆楚徂烏喙事成多變  
詐鷓夷功遂棄簪裾復仇當日因韓出滅項  
興劉亦緒餘

郭汾陽

朱邱方酬蓋世功蒼蠅猶惑曙雞中准陰須  
讓全身策諸葛應輸破敵雄汪覲惟聞一老  
卒宋盟祇用數家僮中孚可信豚魚格博得  
朝恩泣令公

已酉冬十一月二十一日

皇父御書立身以至誠為本讀書以明理為  
先一聯

恩賜懸掛書齋以寓訓誨至意恭紀

文明雅化敷重譯咫尺

奎章寶玉除妙義直須十四字至言已勝萬

千書

天顏有喜龍鸞動緗案承

恩雨露舒從此就將當益奮敢違提訓負居

諸

臨池柳

皇州春色滿夾岼柳先知漸吐鶯黃色低臨  
鴨綠池每當韶景麗偏沐好風吹入水分斜

影含煙潤細枝波光搖上下帶縷漾參差魚  
唼疑牽荇鶯梭欲織漪絮飛洲點雪花落水  
添絲灞岼空含雨章臺競逞姿何如上林苑  
歲歲渥恩滋

行園

春郊萌動沐陽和嫩草新抽翠欲波回首鳳  
城佳氣繞林風時送牧童歌  
芳圻剪剪草痕生柳浪聽鶯鶯未鳴獵騎雲  
馳心更愜平原千頃不曾耕

春日雨後海子外行圍

雨後觀新柳垂絲帶玉珠  
村村生意足處處  
早春殊馬健方堪騁  
鷹雛未解呼萬家烟火  
裏簑笠快何如

繡陌連芳嶼韶光十里繁  
綠深楊柳岼紅暗  
杏花村時雨占年稔  
新晴愛日暄遊觀回勒  
晚殘照落柴門

青雲店民家見梁上雙燕偶興

春來吳楚方成別社到幽燕  
又見歸掠水塘  
邊相對語採芳簾外故低飛  
欲尋謝宅迷長  
巷不借盧梁愛短扉  
一任處堂巢自穩等閒  
竈突事應稀

楊柳風

江南二月麗晴暉楊柳風和乳  
燕飛堤上馬嘶芳草去湖中  
帆帶夕陽歸柔條漫著遊人  
眼弱線頻牽過客衣待到清明  
寒食後池塘輕絮又霏霏

顧孝廉蒙

聖恩特賜進士詩以賀之

薄海同歸雨露培  
宣尼寧獨鑄顏回  
得君初不緣多遜  
及第今還勝柳開  
青瑣班聯宵漏永  
彤墀臚唱慶雲來  
會看五色生花筆  
長日揮毫視草臺

賦得鷺立蘆花秋水明

風起蘆洲鷺翮斜  
欲飛還竚水程賒  
凌波雪羽輕翻節  
倒影羅紋皎奪花  
宛在伊人深白露  
幾分秋色淡明霞  
遙看景物蒼茫意  
擬共

鷗盟荻浦沙

九日講武恭紀

四海遍雍熙  
三秋閱虎羆  
代當全盛際  
節應大蒐時  
日月中天麗  
旌旗曠野麾  
軍容森甲冑  
坳牧物黃驪  
爽氣浮仙仗  
卿雲映

御帷虎賁爭躡躡  
戎御畫師師  
拂劍霜華動  
彎弓月影披  
馬嘶黃菊野  
鴈過白雲陲  
組練生光焰  
銜鑣中式儀  
九宮羅畫戟  
六甲載雲旗  
舞鏑遊絲裊  
裊穿正閃電  
馳古來歌七德  
今

日炳重離

聖治輝千載

天威震四夷

二五罕

鑾輿歸紫極扈從詠周詩

九日登高

節物推遷秋氣深重陽今日此登臨東籬露  
潤花將放北塞風寒鴈有音氣爽天高秋颯  
沓山青水碧樹蕭森松梢鶴韻和清瑟竹裏  
泉聲雜古琴吹帽還須窮絕鉞整冠且復盡

前岑地寬自覺塵埃遠境靜全無俗慮侵白  
石卧雲苔漠漠青巖引徑洞沉沉已從蘭若  
聽僧梵更雜寒村送旅砧觀海何須登泰岱  
到山已足散胸襟歸來解却茱萸佩閒看東  
岡月上林

霜隼下晴皋

九皋秋氣肅沙淨水痕明蒼隼低青岫孤飛  
下碧泓摩空盤勢矯收羽削風輕墉上無人  
射溟東幾度行攬挈藏利爪爽豁湛園晴萬

里悠悠意金聲寄一鳴

壽五弟

繡線添端始桑弧慶履長雲書卿商爛瑄度  
褊襦香音羽調分候天心復一陽蕙根資豈  
弟醇意發文章著紙霞朝麗揮毫玉夜光鵠  
原欣得侶鴈序愧先行願挹層霄露言斟初  
度觴同携瞻紫極靄靄萃千祥

帝京雜詠

雪瓣初收放曉晴西山一帶湛虛明玉屏重

疊玲瓏樣若個神工造得成

歲臘欣逢蚤立春銀幡絲勝逐時新漫言春  
色知多少寒谷陽回自此辰

兒童隊隊趁閒行市口新張賣畫棚不惜金  
錢多買取歸來弟妹笑相迎

古禮原稱老婦祭於今禮拜祇諸男雲車龍  
馬昇天去戶戶爭傳二十三

大官清曉布

王言濟濟鴈行錫賚繁領得天庖鮮美味親

羽會食說

君恩

君王錫福溥 恩施鳳翥龍翔莫並奇 頃刻漏聲傳玉箭 聯翩

御筆下彤墀

紛紛爭向地 爐邊添滿松枝 颺碧煙 煇歲成 風傳自昔一家烘煖話團圓

送舊迎新未得眠 一番守歲列華筵 却將舊學商量過 培養新知勝往年

辛亥二月朔

皇父賜御書對聯恭紀

夾鍾應律普條風 浩蕩春熙造化同 雨露澤來三殿上 壁奎文降九天中 漫言北海書稱

健可識山陽 句獨工 聯句係唐人趙嘏詩 最是

萬幾無晷暇

思頒宸翰荷無窮

辛亥仲春

上幸豐澤園演耕藉禮

上躬四推

命臣等終畝恭擬應制十韻

大地陽和淑景韶  
潛蘇土脉應風條  
洪鈞普扇百昌序  
大造均舒萬物調

翠輦臨耕旗閃爍

金輿載駕玉鏤雕  
行行西苑停鸞輅  
泛泛天池盪畫橈

帝耒四推膏壤沃

皇躬一墾甫田遙  
先期已見寅恭懋  
終畝還

思

教澤饒種布期生  
連理穗壠開願長  
九岐苗追思

聖祖觀耕地却值吾

皇演禮朝豐稔歲功  
九有遍太和景象萬  
方昭放勳久頌

堯功茂協帝重瞻

舜德超

西殿習射即事



行行西廠路猶賒習射非關玩物華怪底今  
朝寒料峭平明宿雨濕桃花  
拂柳穿花過小溪紫駟不用錦障泥東風可  
是能裁剪飄灑香紅散馬蹄  
西海清流漾碧鮮相將此日盪蘭船溶溶新  
漲春蕪合始識分来自玉泉

佛手

天龍一指稱禪伯接引猶聞爪甲香瓶鉢罷  
持忘色相珊瑚閒撒愛清涼靈根疑長鬘羅  
樹慧質原生選佛陽何事全身藏丈六玻璃  
盤內笑拈芳

晚眺

沉沉暮色迷烟鬟高樓半出松篁間  
樵牧歸來晚燒起鴛鴦飛集斜陽閒  
窻開蝶逐花片入簾捲燕啄香泥還  
極目芳菲將九十楊柳春風為掩關

丁香花

細葉纖英不染塵微風時度暗香勻  
兩般顏

樂善堂全集定本卷之二十四  
色分枝麗四出瓊瑤著樹新淡洗露華披寶  
粟斜翻塔影卧花茵縱令百結猶須解那鎖  
芳園荏苒春

樂善堂全集定本卷之二十四

今體詩

燕山八景詩

瓊島春陰

瓊華瑤島鬱嵯峨春日輕陰景色多雲護鳳樓  
松掩映瑞凝仙掌竹婆娑低臨禁苑滋苔蘚  
遠帶郊畿蔭麥禾更向五雲最深處好風時  
送九韶歌

太液秋風

秋到宸居爽籟生  
玉湖澄碧畫橋橫  
荷風晚送殘香氣  
竹露涼敲綠玉聲  
翠合三山連閣苑  
波涵一鏡儼蓬瀛  
由來禁蘂林泉好  
行樂還同萬物情

玉泉垂虹

湧湍千丈落垂虹  
風卷銀濤一望中  
聲震林梢趨衆壑  
光浮練影掛長空  
跳波激石珠丸碎  
濺沫飛花玉屑紅  
自此思波流處處  
公田時雨澤應同

西山晴雪

銀屏重疊湛虛明  
朗朗峯頭對帝京  
萬壑晶光迎曉日  
千林瓊屑映朝晴  
寒凝澗口泉猶凍  
冷逼枝頭鳥不鳴  
只有山僧頗自在  
竹爐茗椀伴高清

薊門煙樹

蒼茫樹色望中浮  
十里輕陰接薊邱  
垂柳依依村舍隱  
新苗漠漠水田稠  
青蔥四合鶯留語  
空翠連天鴈遠遊  
南望帝京佳氣繞  
五雲

飛護鳳凰樓

盧溝曉月

蘭若霜鐘斷續鳴  
盧溝曉月正西橫  
蒼烟淡接平蕪迥  
曙色纔分遠水明  
傍岫人行聞犬吠  
感波風動見魚驚  
車馳馬驟長安道  
何限低徊旅宦情

居庸疊翠

居庸天險列峰連  
萬里金湯固九邊  
雄峻莫誇三峽險  
崎嶇疑是五丁穿  
嵐拖千嶺浮佳

氣日上羣峰吐紫烟  
盛世祇今無戰伐  
投戈戍卒藝山田

金臺夕照

臺遙望澹烟濛  
返照依稀禁籞東  
是處人家圖畫裏  
一川風景夕陽中  
溪頭棹響歸漁艇  
牛背簫聲過牧童  
千古望諸留勝蹟  
幾回憑弔向西風

闕里祭器新成

賜觀簋盥鏞登豆爵  
六色恭紀八韻

代啓文明炳崇儒  
聖道光

皇心欽日月禮器脩  
宮墻舊譜稽成式新圖  
發尚方斑斕紛有耀  
簠簋列成行  
頌示來三殿傳觀遍  
兩庠涵光呈玉質絢彩  
燦金相萬國同文軌  
千秋肅典常從茲先後  
聖一揆頌吾

皇  
恭祝

皇母聖壽

蓬萊曉日照金扉  
紉縵雲成五色輝  
觴捧六宮趨綵仗  
高呼四海仰  
慈闈瓊筵恭進仙人膳  
文錦歡呈玉女衣  
叨沐

恩勤逢令節年年拜舞慶春暉  
賦得一雨便如秋

園林新霽後徙倚小亭前  
宿雨催殘暑餘霞  
扶遠天風隨輕扇  
度爽隔薄衫  
穿泉滿澄潭

藁鷗閑野岸邊苔痕侵履濕梧影落階圓秋  
思先秋發於今卜有年

雍正九年六月

上以近畿三省雨澤愆期豫籌賑恤之策甘

霖疊沛恭紀十二韻志喜

帝念民衣食端惟農與桑粒民符后稷熙績  
法陶唐乾惕通朝夕中和善弛張朱明三夏  
永甘雨萬民望  
睿慮周三省

宸衷遠九蒼普天頌惠澤特地塵謠商精禱  
思無逸殷憂問未央貯倉施舊積轉漕截新  
航更降停徵

詔仍頒捐賦章

恩綸過所望膏澤應非常對越何昭爽誠通

自溥將從知

天佑

聖萬國慶豐穰

賦得七月流火

玉律商聲應金天大火流祝融朱旆卷少皞  
素車留炎氣驅天未涼颼拂樹頭潭中波影  
淨盤裏露珠稠興助西風客思添明月樓授  
衣期在即砧杵響清秋

秋露如珠

七月涼初至三危露漸零圓凝成顆粒紛墜  
散瓏玲只許盈眸洗無能傾耳聽平今素秋  
景梧葉老階庭

秋日播麥新生

登年遍擁拂參差正是西風八月時翠穉乍  
抽新穎細綠波輕泛早苗披芊芊不畏秋陽  
暴靡靡長露白露滋此日種成來歲穫化工  
四氣為全施

將獵南苑檢點所攜書籍

天高秋氣肅郊坰南苑將除信宿停檢點行  
勝整書籍不因校獵廢談經

校獵阻雨

崇朝秋雨細絲絲草濕平原滑似脂罷却行

園何所事吟詩未穩獨尋思  
閣道遊廊闔角齊侵塔嫩綠草萋萋却憐苑  
外隨園者上雨旁風下濁泥

辛亥秋九月出南苑行園以穡事未竣  
不果獵而還

翻翻雲板敲場圃錢利霜刀刈大田一幅幽  
風圖畫似肯教獵騎候民天  
霜後平原地已堅青驄不用錦連錢相逢野  
老扶兒笑今歲豐收倍往年

讀楊忠愍集

家學關西素行淳浩然惟與義為隣一生名  
節堂堂在兩疏風霜字字新報國不辭履虎  
尾排奸直欲犯龍鱗開編省識忠良氣不愧  
牽衣折檻臣

御賜詩經傳說彙纂恭紀十韻  
學古初循璧承

思尚面墻二南風化首六義詠歌長邦國由  
聞闐聲音叶紀網孔門傳卜氏漢代著毛萇



考訂憑先哲要歸守紫陽膠庠遵注釋藝苑  
藉翱翔秉一先生訓排諸博士場羣言難約  
達萃美得微臧纂定遵

皇祖裝潢出上方趨庭慚寡昧雜誦敢遺忘

恭瞻

皇祖恩賜御筆感賦

亭俯玻璃荷芰芳

賜書處名  
觀蓮所

絲枝獲侍

聖人旁寸心已覺趨陪幸尺幅曾頒翰墨光

裁畫軒書叨賜屢玉函金笥貯

心長只今空對

宸章屢瞻仰徒迴九曲腸

分陰宵旰萬幾繁餘暇精神寄筆端運腕力

如撐海岳揮毫形似舞龍鷹當年欲忝承

榮賜此日依違恐重看詎止宋臣飛白記涕

流頻拭那能乾

鏡中燈

數尺玻璃鏡中含燭影橫光凝千樹燄彩散  
一燈明圓相分來滿空花對處生撲蛾潭不

用剪燼笑難成乍似水壺漾還如水月盈若  
令長照物莫徹玉堂繁

雍正九年十二月二十日

皇祖實錄御訓告成

皇父陞殿恭受禮成羣臣慶賀恭紀

承平歲久共尊親萬類欣遊浩蕩春六十一  
年縣郵治百千萬國沐洪仁行昭日月瑤篇  
富言揭山河寶冊新

聖主紹庭欽陟降顯承允萃一人身

寶祚金輿瑞靄盈恭迎

帝輦出乾清起居本是當年注紀載欣看此  
日成佑啓萬年隆國祚繼承曰海仰

皇情告成應受千官賀金殿曠曠旭影明  
績奏修和被管絃只今載筆尚依然精研始

識

天心與紬繹從知

聖學淵久道化成仁正溥重熙累洽慶方縣  
朝光闕罷昇平禮寶歷初周已十年

史館修成

聖典垂一番歡喜一番悲提攜舊憶

音容在憶慕今驚歲月移光發瓊囊臨殿陛  
祥開玉帙煥采愚幾迴拱手丹墀立感事沈  
吟七字詩

薄海霑濡雨露勻

九重咨倣煥絲綸典謨從識唐虞聖功叙還  
同覆載仁憶昔追隨

宸極久祇今瞻仰史書新光天黎獻歌思永  
况復躬承渥澤人

吾

皇至德懋重華

實錄成書自帝家經國大猷延宅俊務民本  
業重桑麻載功多藉羣工手紀實曾無一字  
夸受賀禮成還紫極中天日燦五雲斜

賜烏銅鑪恭紀

迢遞三餘永研精書室中窻明欣向日簾密  
為禁風

布澤從金殿

頌恩自法宮名鑪傳雅製新樣出良工素色  
青鉛似圓形寶鏡同細雕檀木案巧鑄首山  
銅夜熱蘭煙紫朝熏獸炭紅袖來寒却避著  
處煖頻烘拜

賜回春德榮分解凍功年年長至日永得奉  
恩融

平郡王修理

福陵前水法告成還京賦贈三十二韻

溥海承平日光天丕冒時奉三宏邈治得一  
普

恩施

列祖貽鴻業吾

皇紹大基

聖心通陟降孝治本型儀緬想

山陵地欽惟功德垂殿堂宜式煥水法度重  
為

簡命賢藩往工程鉅任禪星輶辭輦轂馬四乘

望

靈祠九十韶光半透迤周道遲嫩茵鋪古路  
山鳥喚高枝日脚來孤鶩雲邊現彩芝奉天  
春滿目望海翠凝眉山海關有言邁勞征騎  
迤臻止繡麾命徒勤匠作鳩衆發工師月斧  
千人舉雲斤萬手持尋源疏舊道鑿石濬新  
陂利便因形勢高卑物土宜敬公常惓惓慎  
事每孜孜不惜司農帑還餘御府資兩年寒  
暑易再往路途知晴旭光明照和風左右吹

歸輿旋帝里返旆邁通達歲事封章奏論功  
聖澤推逾時成契濶此日喜追隨分韻箋同  
劈探微冊共披心知才磊落意欲共磨治古  
有登臨士遊窮山水竒因之健筆力用以助  
文思况復三韓舊猶然萬載規省風思  
祖德考俗問鄉耆益重圭璋品應叨雨露私  
篇章聊志喜詎比穆如詩

孟春十日夜偶成十六韻

天宇祥風布東方木德生入春旬已過望月

璧將盈獨坐披緋帙無眠對玉檠推敲裁律  
句吟咏費精評自憶髫童歲粗知書史名但  
能覓梨栗豈解協音聲顧復

皇恩厚提撕

聖訓明選師皆宿彥教我盡披誠學識尊周  
孔詩知道性情韻宗金石響詞薄偽刊輕繭  
紙浮光淨蘭毫蘸墨并綺思抽乙乙俗慮靜  
營營堪會天人理蕪消長短更燼生霜燕翦  
茶沸玉壺鳴旋裊沉香細迢遙永夜清吟成

梅月朗天際玉繩橫

玻璃盤

斐几無塵罽毯平玻璃盤子伴高清一般皎  
潔羞雲母四射光芒突水精巧質非綠周玉

府

周禮天官玉府合諸  
侯則共珠盤玉敎

嘉名詎數漢金莖幾

回拂拭澄如鏡靜對冰心一片明

恭讀

皇祖御製避暑山莊三十六景詩并閱圖感  
成長句五首

天開勝境比卷阿浩蕩春熙萬物和祇為養  
親溫清脩非闕奉已豫遊過迎涼臺榭依山  
迥延爽軒窓傍水多領領孫曾難數計扈遊  
何幸沐

恩波

猶憶壬寅三月春隨

鑿方始奉恩綸

天顏近接承歡久

日角時臨賜喜頻在耳

德音猶似昨開函

御筆鎮如新祇緣深眷吾

皇意愛育餘波及小臣

金泉避暑闕離宮行樂還期兆庶同書史研  
求遵古訓桑麻藝植愛豳風追陪六膳分銀  
鱠趨侍三驅躍玉驄指點圖中當日事

鼎湖何處可攀龍

靈臺不見文王御仁壽空傳唐帝宮樓閣簾  
櫳虛夜月殿堂松柏老秋風當年遊賞疑天

上此日酸辛對畫中賸有  
宸章恭洛誦幾回青昧憶

重瞳

鼓鄉音春音夢裏遷披圖不覺淚潜然詩伴風  
雅傳千載畫聚烟霞扁一編爽籟秋風噓失  
塊雲章星彩麗高天冷窓課罷頻吟諷回首  
光陰已八年

東作

東作三春始滋生萬物稠公田平似掌新水

綠如油蟲撲柔桑葉針抽嫩頰頭乘時功力  
備多稼定今秋

賦得花隨春令發

青陽消息到春臺嫋嫋風光費剪裁滿院猶  
遲千樹放傍簷早覺一枝開日烘不藉溫房  
暖令至何須羯鼓催嫩萼半含春力薄悠揚  
蜂蝶莫頻來

題蔣南沙相國畫屏五景

桃柳



金絲錦浪舞東風，點綴陽和尺幅中。見說花源春靄靄，遙知灞岍雨濛濛。輕綃雜間參差綠，翠帶低臨深淺紅。消息化工歸變理，丹鉛未許畫師同。

蒼松牡丹

錦繡堂中開畫屏，牡丹紅間老松青。日烘始識三春麗，歲暮猶看百尺亭。天矯挈空欣得地，輝煌散彩正當庭。一般都是生生意，坐對從知筆有靈。

荷

玉鏡平鋪一帶長，紅衣翠蓋儼明粧。不爭艷艷當春日，獨濯清漣傍夕陽。雲髻裁裁疑洛浦，秋風嫋嫋憶瀟湘。鷺鷥可是知人意，雙落明波領晚香。

黃蜀葵

色是黃金花，是盤迎風未舞已。珊珊蕊珠宮裏，仙人珮姑射山頭。玉女冠承露，更添千葉碧。向陽還有寸心丹，鷺黃淡抹饒深意。漫作

尋常渲染看

梅

天上春陽回未回  
早傳消息到庭梅  
暗香和雪尋常放  
嫩萼侵寒三兩開  
每傍階前照清淺  
更於月下重徘徊  
一枝風物資清供  
調鼎還看濟世才

春日寄朱可亭先生五十二韻

遲日山河麗青春  
風物妍皇州  
籠淑氣  
天宇燦祥烟  
景媚韶華世  
人遊熙皞年  
先生方抱病  
靜室獨安眠  
當代窮經彦  
清時守道賢  
君欣際遇奉  
職佛仔肩

寵命登台輔  
鴻才掌選銓  
寅恭朝宇右  
弼亮聖人前  
只此氷兢志  
那忘對命虔

皇情常有眷  
臣節總無偏  
早歲承綸綍  
絳成童授簡編  
芳規看表帥  
函丈獲周旋  
義府優游永  
春風坐卧便  
賦詩閒檢韻  
味道細烹泉  
每自威儀謹  
從知學問全  
董生醇治術  
朱子續心傳  
十載如旬日  
高山復大川  
汲長難試綆

質魯詎窺淵惟借開陳力常資接引緣前途  
粗省識往籍事精研方示尋鄒屐旋招泛泗  
昭高深終莫測言象未忘筌竊意精神固何  
期衰病連道存看潤貌身老惜華顛解習安  
心法參明樂性禪三年常疾疾晚歲每迤邐  
更受

宸衷注頻蒙

恩旨宣賜醫經歲月賚食列甘鮮幾度秋梧  
落經時春草芊尊生資攝理養靜悟魚鳧入

臘魔纔退頻年疾稍痊經帷常一過日暮薄  
言還早識文如斗新叨筆似椽風披重幙外  
晴照綺窓邊坐久添光霽來頻領蕙荃如何  
新歲到轉覺舊疴牽呼僕長扃戶飛花未撲  
韉竹爐朝自焙湯劑晚仍煎消悶憑書籍無  
心託管絃神清依素几守寂坐麓璫未及頒  
春俸應勞買藥錢東皇今布令黑帝久收權  
坦履宜悠爾沉疴定霍然追隨私念切趨步  
寸心懸况乃須調鼎方看用作舡時平交正

泰

君道健如乾宜力疇堪並陳猷未或先陽和  
敷化國膏澤被王田何日趨朝陛多時隔講  
筵裁詩羞未穩有暇賜雕鐫

樂善堂全集定本卷之二十五



今體詩

三月十三日隨

皇父駕幸圓明園得詩六首

春園初見百花開日午欣隨

御輦來纈錦蒸霞呈麗景東皇雨露好栽培

最是蓬萊浩蕩春東風如剪物華新裙腰草

合平於毯滑笏溪流色似銀

邇來甘雨潤苗新走馬天街絕點塵試策金

鞭回望處翠條如染拂行人

黃繖當中映午暎

太平天子幸春園靈臺靈沼同民樂夾道齊

呼

萬歲尊

寒食常年桃已謝今年寒食正開花天工有

意供

宸賞特教東君駐物華

御爐香煖惠風晴日映墀頭喚上卿不是物

華供玩少殿顏勤政意分明

賦得好雨知時節

漠漠春雲布濛濛時雨飛點空方霖霖入夜

轉霏微正助資生德後知造化機東郊明曉

步坂上麥苗肥

柳溪垂釣

傍岸青青一帶遙玻璃鏡淨拂烟條持竿不

為貪鱸膾天水空明萬慮消

花嶼南頭曲水東石磯晚坐綠陰風臨流暫

作垂綸客興與漁郎却不同

聽松

涼風過院裏踈響度庭前乍覺蛟龍吼徐聽  
絲竹傳春濤盈峽漲沸茗滿壺煎入夜心偏  
靜憑參天籟禪

賦得泉和萬籟吟

野迳無絲竹飛泉亦可聽千條流澗白萬古  
韻松青自是饒天籟多緣借地靈跳波珠索  
索激石玉丁丁樂奏簫韶曲圖開十二屏何

當鋪翠琰終日對清冷

濯纓泉

碧映一泓清當年誰濯纓滄浪衣帶水到此  
亦成名

恭和

御製詠竹原韻

琅玕敲雅韻蒼翠布清陰遠映山光入低臨  
階影侵寒梢蒼雨潤勁節颯風吟仙苑供  
宸賞還同松柏心

藻初紛青籜芳園滿綠陰最宜時雨洗不碍  
歲寒侵

宸暇方遊豫

皇情暢詠吟年午常近日清節與虛心

從軍行

三邊烽火照軍營十萬丁男夜練兵但使腰  
間懸寶劍丈夫何處不成名  
關山月冷夜黃昏指日應擒吐谷渾誰憶樓  
頭新少婦一聲橫笛正銷魂

沙漠風高列戍連寒侵行帳不成眠狼山夜  
半聞新警披甲爭聽號令傳

辭家萬里路迢遙龍虎軍中夜擊刁底事成  
功如約早將軍聞是霍嫫姚

橫戈結伴共遊盤日久翻忘行路難却恨此  
方無雁到憑誰傳信報平安

夜戰洮河馬不嘶無邊殺氣與雲齊偷閑一  
枕金戈卧半是人膏半是泥

二十三番月缺盈君王恩重致身輕轅門試

射誰穿的十萬軍中最有名  
成兒約計看刁環對鏡新驚髮半斑不是親  
擒生頡利何顏復進玉門關

送邵通叅奉

命典試江西

天門旭日耀晴明

帝簡儒臣典試榮虎觀暫教道問難龍門旋  
見擷瑤瑛征輪正愛山花繞歸路應看翔鴈  
迎一載春風頻坐卧可能不動別離情

昭代文明重棘闈雄州遙指四驄駢三秋瞻  
斗龍光射一月兔才紫氣圍堂上頻呼添蠟  
燭日中俄見擲珠璣迢遙驛路回鞭日好載  
公門桃李歸

豫章佳氣鬱葱葱牛斗光芒映彩虹

帝遣文星司玉尺人欽精鑒詠敦弓驂騮遇  
主鳴方健鷗鷺摩天勢更雄宗派西江還在  
否憑君一振古人風

放榜懸知聚彩霞歸輿歷歷雪初花縱橫禮



樂文章盛來往山川道路賒日照金臺迎畫  
憶風吹滕閣送仙槎天街十月陽春早光霽  
重看捲絳紗

顏魯公祠堂

草長華清作古原魯公祠宇至今存松園四  
面濤聲颯戶守千靈道貌尊一片忠誠光日  
表幾遭貶斥別君門平生浩氣消奸氣盡節  
從容且謾論

讀項羽紀

鹿走荒郊壯士追蛙聲紫色總男兒拔山扛  
鼎興何暴齒劍辭騅志不移天下不聞歌楚  
些帳中惟見歎虞兮故鄉三戶終何在千載  
烏江不洗悲

讀武侯出師表

燎滅中原鹿又亡獨留微燼熾炎方三分已  
是輸全局七縱猶然保小康此日欖槍須北  
指當年魚水憶南陽魏宮草樹終搖落千古  
丹心表兩章

蘇東坡全集卷之二十五  
裁衣寄從軍者

玉關天氣涼六月已飛霜驚理篋中素寄與  
遠行郎

長短尚如初寬窄想非舊那堪孤燈下縫紉  
聽寒漏

中庭度金風絨刀著手冷歎息厚裝綿行將  
寄雪嶺

裁衣何所願願郎早樹勳郎為萬戶侯妾作  
郡夫人

送毅菴鄂相國奉

命經畧西陲

清秋霽日照征鞍上相臨戎劍氣寒

詔旨欽承三殿密機宜默運寸心殫馬騰士  
飽來裝度鶴唳風聲避謝安欲別先生何所

贈臨風握手勸加餐

書文一軌泰階平蠹爾戎夷敢弄兵

天子運籌頻下顧相臣經畧此西征風翻武  
帳三台入日耀軍門萬戟明佇看對颺歌虎

拜邊烽永熄玉關清

賦得鶴舞千年樹

太液池邊千歲松飛來白鶴愛陰濃雪衣斜  
掠披風態丹頂高昂舞月容闈苑有書傳秘  
信維山無處覓仙踪翩翩還就三清路翠蓋  
徒看攬老龍

活水

滑笏流波不暫停鳩鵲鷗鷺滿沙汀眼前解  
得空明理清濁何勞辨渭涇

冒雨尋菊

秋雨霏霏碧蘚滋閒情今日步東籬不知冷  
夜寒朝裏開到西風第幾枝

我愛秋來菊盞開天工偏為洗塵埃倚欄間  
咏衣衫濕應是纔從籬畔回

輓戴九皋

都門握手別清儀生別重添死別離蒿里應  
懷埋玉恨龍堆想見致身時魂還故宅三秋  
冷名列新編萬載垂惟我思君勤懇意裁詩

洒淚不勝悲

弔睢陽雙忠

蚍蜉援絕守孤城  
遮蔽江淮九死撐  
可惜絕繩無復續  
翻教越俎共捐生  
一時慷慨多全節  
千古春秋有令名  
邊豆生光祠宇在  
雙忠浩氣煥丹楹

恭讀

皇祖聖祖仁皇帝御題耕織圖四十六景詩

敬和原韻

浸種

氣布青陽造化功  
東郊做載萬方同  
溪流浸種如油綠  
生意含春秀色籠

耕

宿雨初過曉日晴  
烏犍有力足春耕  
田家辛苦那知倦  
更聽枝頭布穀聲

耙耨

九重宵旰塵民依  
課量陰晴總不違  
縹緲雲山迷樹色  
綠叢扶耙雨霏霏

樂善堂文集卷之九

卷之九

今體詩

九

抄

新田如掌水潺湲扶耖終朝那得閒手足沾  
塗渾不管月明共濯碧溪間

碌碌

帶雨扶犁一夕周作勞終畝敢辭休縱橫碌  
碯如梭轉膏壤勻鋪物舊疇

布秧

二月春風料峭寒原田鱗疊入遐觀最憐舊  
穀生新穎欲布秧還仔細看

初秧

柳暗花明春正深田家那得治遊心老翁策  
杖扶兒笑却喜初秧擺綠鍼

淤蔭

短杓盛灰淤畝勤高原下隰望中分鳴鳩喚  
雨聲聲好嶺外旋看起白雲

拔秧

勻鋪綠毯滿平川萬井風和花欲然移自南  
疇向西陌拔秧時節日長天

插秧

甫田萬井水瀰瀰拔得新秧欲插時  
槐夏麥秋天氣好及時樹藝莫教遲

一耘

新穎驚黃遠似波堰苗助長槁如何  
惟應麥雜勤人力自鮮苞稂害穉禾

二耘

壺漿饁婦大堤行最是畦邊秀易生  
營告再耘還再饋可憐農叟望年情

三耘

朱火炎炎日午長三耘曝背向林塘  
那無解慍傳風信天遣微薰動綠芒

灌溉

抱甕終輸氣力微桔槔輪轉迅如飛  
池塘水滿新禾潤樹下乘涼待月歸

收割

桐風瀟灑露珠晞滿野黃雲映落暉  
是處腰鎌收穫遍擔頭挑得萬錢歸

登場

登場此日望西成大有頻書慶帝京  
穰極滿車皆玉粒比隣亦覺笑顏生

持穗

場圃平堅灰甃成如坻露積最關情  
殷勤婦子爭持穗好聽千家拍拍聲

春碓

木末金風陣陣吹松明火燒隔疎籬  
何來春相深宵裏可是村謳唱和時

簸

秋成那得暫遊盤顆粒精粗欲別難  
周折不辭身手疲猶餘一掬幾回看

簸揚

郭外人家第舍深門前揚簸趁風林  
莫令飄墮成狼戾辜負耕夫力作心

磬

相將南畝苦胼胝望歲心酬庶免飢  
石磴碾來珠顆潤家家鼓腹樂雍熙

入倉

霜點楓林似火然千倉滿貯賜從天  
輸官不假徵催力喜值如雲大有年

祭神

擊鼓吹豳報屢豐朝看索饗萬家同  
更期來歲如今歲苗碩不知願莫窮

浴蠶

曾讀豳風七月篇遲遲日景麗光天  
新蠶未起先宜浴盆滿明波人滿川

二眠

女桑搖綠葉參差曉起人情慵欲採  
遲雙燕入簾長晝靜再眠恰是仲春時

三眠

淑景頻催喜載陽微行步步採條桑  
三眠三起新蠶老篝火看時夜未央

大起

春光荏苒去堂堂無那黃鶯一日忙  
箔上吳蠶方大起水絲色映綠筠筐



蠶筐高下架頭紛食葉聲煩似雨聞捉績欣  
看光練練一家婦女共辛勤

柳絮飛時晝下簾柔柔繁細食徐添却憑纖  
手為分箔未暇朝餐日過檐

牆畔青條著雨滋繁陰初覆葉齊時春深八  
繭蠶爭餵稚子携筐上綠枝

上簇

覓樹尋枝手足疲柔柔采采飼蠶飢今朝報  
道新抽繭老幼羣欣上簇時

炙箔

重簾不捲畏風寒猶爇松明向夜闌皚雪霏  
霏堆滿箔殷勤弱女把燈看

下簇

獻繭由來重女功繪圖今見列璇宮  
聖人不為丹青玩玉穀珠絲此意同

擇繭

弱繭何時成綺紈拮据冀免一身寒八蠶獨  
蛹還須擇几上分明取次觀

窖繭

春日遲遲執婦功何心戀賞牡丹紅繭成好  
向村頭窖荷鍤携兒綠蔭中

練絲

煮繭炊烟颺短籬絲腸纍纍練成時探湯試  
展纖纖手那聽枝頭叫畫眉

蠶蛾

蠶蛾絲淨方生子送向溪頭任所之默祝明  
春盛今歲隔年生理計家資

祀謝

年年勞苦事耕桑及早還將租稅償今日蠶  
成虔祀謝西陵功德戴無疆

緯

蠶繅輪捲遍千家午靜人慵鳥語譁浸緯欣  
看供織作阿香軋軋轉雷車

織

織女工夫午夜多何曾已自著絲羅銀蘭照  
處方成寸却早循環擲萬梭

絡絲

秋惹深閨無限情可堪蟋蟀送寒聲玉關萬  
里征夫遠惆悵新絲絡不成

經

砌下風飄待女蘭新絲經理欲成紈安排頭  
緒今長短約伴回來仔細看

染色

經緯功成尚染絲晴光萬縷燦離離天工奪  
處關人巧棚上還看五色施

攀花

簇簇堆成錦繡紋攀花鬪巧最精勤堪憐織  
婦空勞動著體無過大布裘

剪帛

溪尾如藍秋水清裁衣寄遠重關情金刀欲  
下躊躇意絲縷皆從素手成

成衣

戈衣束帛費縫紉只為祁寒事切身  
聖意憂勤圖畫裏宵衣永庇萬方人

輓蔡忠烈公

公諱道憲號江門閩之晉江人為長  
沙司李獻賊攻長沙吉藩及撫藩監  
司相率遁衡州公攝太守事為死守  
計總兵尹先民叛附於賊城陷百計  
脅降公不屈怒罵愈甚賊遂錐其胸

斷其手割鼻舌毀齒寸磔以死事聞  
贈太僕謚忠烈先是公就擒時有從  
役九人隨公不去賊先殺五人以懼  
公公不動及以次斬及凌國俊國俊  
者九人之一也國俊請葬主而後就  
戮賊許之後與公同祀長沙

牧民身不與戎曹為守孤城展六韜振鼓縱  
能摧賊銳倒戈先已樹降旌夜臺有路丹心  
炳帝闕無門白日高沅芷漭闡芳不歇招魂

只合誦離騷

白日高元苦且聞苦不堪言

請辭類從國大夫已掛判執事

其為良不與在曹為守此類舉六端

變類指之與與公同此身也

昔夫入之一也國外請其主而辭

公公不慮及以火博及去國於國

對大人翻公不去類夫為三入以

韻大對韻忠以去其公其辭類

滿其手傳與古類滿十類公

